

## Zikloari ekin diote

Euskal Herriko dokumentalak proiektatzen ari da Okendo Zinema Taldea; lau gehiago emango ditu hila amaitu aurretik / 6

TXINTXARRI

## Egitarauak aurrera darrai

Emakumeen Nazioarteko Egunaren harira antolatutako egitarauaren azken bi hitzorduak eramango dituzte aurrera egunotan / 2-3

**Bizikleta hirietan egoki nola erabili ikasteko egitasmo batean parte hartuko dute Oriarte Institutuko ikasleek / 5**

**Donostian kantatuta, Alboka Abesbatzak "ezin hobeto" amaitu du Luberri koruarekin egindako trukea / 7**

**Maratoialdiko zuhaitzen plaken lehiaketa irabazi dute Izaskun Manterola eta Xuban Urdalleta lasarteoriatarrek / 8**

**Saria jaso du Aitor Manso pilotuak, 2022ko Euskadiko mendi igoeren txapelketa irabazi izanagatik / 10**

**Buruntzaldea IKTko igerilariek dominak, marka berriak eta errekorrak lortu dituzte zenbait probatan / 11**

**Aurtengo udaleku itxietan izena emateko epea hilaren 20an zabalduko du Ttakun Kultur Elkarteak / 16**

2x229€

ERREFLEXUEN AURKAKO  
MÓ BETAURREKO  
PROGRESIBOAK

Kontsultatu optikan kanpainaren ezaugarriak.



R.P.S. 91/20

Kale Nagusia, 15  
Tel.: 943 37 74 55  
LASARTE-ORIA

**MULTIÓPTICAS**  
kalitatea - konfiantza - diseinua

www.multiópticas.com   

# Gertatutako guztia liburu batean argitaratu dute

'Gertatutako guztia argitan jarri' liburuaren aurkezpena egin dute, berriki, Manuel Lekuona Kultur Etxean. Hegoa Institutuko Irantzu Mendia eta Gloria Guzman izan dira hizlariak, eta Kontxesi Berrio-Otxoak egin ditu dinamizatzaile lanak

## Txintxarri

*Gertatutako guztia argitan jarri* liburuaren aurkezpena egin dute, berriki, kultur etxean. Mendebaldeko Sahara okupatuko emakumeen eskubideen aurka Marokok egindako urraketei buruzko informazioa biltzen du txostenak. Lurralde Okupatuko Emakume Sahararren Guneak eta Hegoa Institutuak elkarlanean osatu dute eta indarkeria pairatu duten 81 emakumeren testigantza du oinarri. Lana kultur etxeko hitzaldi aretoan aurkeztu zuten hilaren 10ean Irantzu Mendia eta Gloria Guzman ikertzaileek.

"Honen berri izan dezatela, kanpoko jendeak jakin dezala". Eskaera hori behin eta berriro errepikatzen da jasan dutena azaldu duten emakume sahararren artean. Horri erantzunez *Gertatutako guztia argitan jarri*. Emakumeen giza eskubideen urraketak. Mendebaldeko Sahara

**GLORIA GUZMAN ETA IRANTZU MENDIAK EMAN DITUZTE LIBURUAREN XEHETASUNAK**

okupatuan (1975-2021) liburua idatzi, eta edukia zabalitzen ari dira Hegoa Institutuko kideak, Manuel Lekuona Kultur Etxean aurrera eramandako aurkezpenean egin bezala. Ordubete luzez bildutakoa xehatu zuten Irantzu Mendiak eta Gloria Guzmanek, objektibotasuna handiagotzen duten datuak emanez eta haiek gizatasunez betetzen dituzten testigantzen pasarte batzuk txertatuz. Ia bost hamarkadaz luzatu den gatazkaren alde laugarri honen berri izan asmoz, 25 bat herritar bertaratu ziren liburu aurkezpenera.



Ezker-eskuin, Kontxesi Berrio-Otxoa eta Gloria Guzman, kultur etxean. TXINTXARRI



Irantzu Mendia izan zen hizlarietako bat, Gloria Guzmanekin batera. TXINTXARRI

## 'Sálvese quien pueda' antzezlanaren oholtzaratu dute

Emakumeen Nazioarteko Egunaren harira antolatutako egitarauaren barruan, Sexuen Elkarbizitarako Emakumeen Zentroko Makelur Antzerki taldeak *Sálvese quien pueda*. Canal 38 antzeztu zuen hilaren 10ean kultur etxean. Estutasunetan dagoen telebista ekoizle batek emakume talde elebre bat aukeratuko du koloka dagoen lehiaketan parte hartzeko, arduradunaren etsipenerako. Aurkezleak, berriz, beste arazo bati aurre egin beharko dio, inork ez badaki ere, haurdun baitago, eta hori gutxi balitz, kabareteko izarra izandako amaren bisita jasoko du. Guztien gorabehera eta ateraldiekin barre ugari egin zuten aretoa bete zuten ikusleek.



Makelur antzerki taldeko kideak, kultur etxeko agertokian. TXINTXARRI



TXINTXARRI

## Emakumeek idatzitako doinuen kontzertua

Emakumeen Nazioarteko Egunari lotutako ekimen sortaren barruan, Zero Sette akordeoi taldeak emanaldia egin zuen Antonio Mercero aretoan. Emakume konposatzaileen lanekin osatutako kontzertua eman zuten bost kideek. Maria Antonia de Mazarredo, Berta Josephine Hecker, Lucile Grety, Amy Marcy Cheney Beach... XVIII. mende amaieratik aurrera sortutako piezak izan ziren denak. Zuzendariak obrak aurkeztu zitenu eta doinuekin batera, pantailan egileari buruzko informazioa, irudia eta partitura bera proiektatu zuten.

# Martxoaren 8a aldarrikatzen jarraitzeko datozen hitzorduak

Emakumeen Nazioarteko Egunaren harira udalak iragarritako azken jarduerak egingo dituzte egunotan

## Txintxarri

Lasarte-Oriako Udalak Martxoaren 8aren harira antolatutako jarduerak aurrera eramaten ari dira asteotan herritarrek. Askotariko eskaitzetan parte hartzeko aukera izan dute, eta datozen egunetan ere izango dute horretarako parada; izan ere,

oraindik ere pare bat deialdi baitaude iragarrita.

Lehena, datorren asteartean izango da, hilak 21. Arantxa Urretabizkaiaren *Azken Etxea* liburua izango dute mintzagai; idazleak berak parte hartuko du saioan, eta Uxue Alberdi arduratuko da tartea dinami-

zatzeaz. Ekimen hori herriko Irakurle Txokoarekin elkarlanean prestatu dute udalekoek eta kultur etxean izango da, 18:30etik aurrera.

Hilaren 23an, aldiz, ostegunarekin, Izan Inurri egitasmoko kideek *Dragon Cáncer* podcastaren saioetako bat aurrera eramango dute. 19:00etan hasiko da, hori ere kultur etxean, eta sarrerek 3 euro balio dute.



TXINTXARRI

## Horma morean agertutakoak salatu dituzte

Ikama ikasle antolakundeak hilaren 10ean salatu zuen ikastetxeko horma morean beste behin pintaketak egin zituztela eta horri erantzuteko mobilizazioa bat aurrera eramane zuten patioan. Horrez gain, elkarretaratzea deitu zuten arratsalderako. Okendon bildu ziren 19:30etik aurrera eta hainbat herritarrek bat egin zuten *Eraso matxista, faxista edota homofoboaren aurrean borroka feminista* zioen pankarta atzean jarrita.

Zenbait minuturen ondoren, Ikamaren adierazpena irakurri zuen kideetako batek. Halako pintaketak agertu diren hirugarren aldia dela nabarmenduz ekin zion: 2020ko azaroaren 25ean mezu homofobo, matxista eta faxistak egin zituzten, iaz, berriz, nazismoa gehitu eta kideetako bati zuzenki eraso egin zioten. "Gaurkoan: Viva España, Viva Franco, Viva Vox, putas feminazis eta el violador soy yo bezalako mezuekin bete dute gure horma morea".

## Parte hartzaile sarituak!

Ttakun Kultur Elkarateak eta Lasarte-Oriako Udalak elkarlanean aurrera eramaten duten Gazte Kluba egitasmoko gaztetxoek lehiaketa berezi bat prestatu zuten Emakumeen Nazioarteko Egunaren harira. Hilaren 12ra arte izan dute herritarrek bertan parte hartzeko aukera, TXINTXARRI aldizkariaren atari digitalaren bidez.

Guztira 38 parte hartzaile batu ditu lehiaketak, eta horietatik guztietatik zortzik erantzun dituzte hamar galderak zuzen. Lehiaketa gehienek izan ohi duten modu berean, honek ere bazuen saria ordainetan: Bea Egizabalen *Magma mia* ikuskizunaz gozatzeko lau sarrera bikoitz. Horietako bi parte hartzaile guztien artean zozkatu ditu, eta Unai Ibarzabal eta Juan Luis Eizmendi izan dira irabazleak. Beste bi sarrera bikoitzak, berriz, parte hartzaile guztien artean zozkatu ditu, eta Enara Gonzalo eta Mikel Izquierdo izan dira saridunak.

Zorionak lauroi!



Juan Luis Eizmendi. JUAN LUIS EIZMENDI



Unai Ibarzabal. TXINTXARRI



Enara Gonzalo. ENARA GONZALO



Mikel Izquierdo. TXINTXARRI

martxoak 9 - 29



Nafar hegoaldeko uzta eskutik eskura

**Bat egin**  
**Errigora**  
**Balioekin**



Bete ezazu despentsa urte guztirako

Eskatu Nafarroa hegoaldeko oliba-olio birjina estra, kontserbak, arrosa, pasta eta lekaleak euskaraz etiketatuta eta ekoizlearen jatorrizko prezioan.

[errigora.eus](http://errigora.eus)



# Gutxi eztabaidatu dute hil honetako bilkuran

Ohiko bilkura egin du Lasarte-Oriako udal korporazioak. Bederatzi puntu aurkeztu ditu gai ordenean, baina, orokorrean, ez da eztabaida handiegirik sortu. EH Bilduk mozio bat mahaigaineratu du Martxoaren 8aren harira; horrek sortu du ika-mika gehien

## Txintxarri

Berriki egin du udal korporazioak hilabete honetako ohiko udalbatzarra: hilaren 9an. 18:30ean eman zion hasiera saioari Agustin Valdivia alkateak, eta lehen bost puntuak azkar batean landu zituzten, eztabaidarik gabe. Hauek izan ziren landutako gaiak: 2023ko otsailaren 9 eta 24an ospatutako bilkuren akten onarpena, aho batez onartu zuten; 2022ko ekitaldian kredituak aldatzeko ordura arte bideratu zen dosierraren berri ematea (kreditu gehigarrien 2. espedienteak); 2022 ekitaldian kredituak aldatzeko ordura arte bideratu den dosierraren berri ematea (1. kreditu zabalkuntza); Lasarte-Oriako Udalaren 2023ko Literatura Lehiaketaren oinarrien aldatzeko onarpena, aho batez onartu zuten; eta, bateragarritasuna onartzeko eskaera onestea. Aldeko 15 bozka batu zituen (PSE-EEren 8; EH Bilduren 4; eta, EAJren 2) eta ELOPen bi abstentzio ere bai.

Lasarte-Oriako Udalaren 2023ko lanpostuen zerrrenda onartzeaz hitz egin zuten seigarren puntuan.

Bozketa egin aurretik, ELOP alderdiko David Aresen hartu zuen hitza, eta azaldu, planteatzen diren zuzenketa gehienekin bat egiten duten arren, ez daudela ados proposatzen diren osagarri batzuekin. Gaineratu zuen, azken horiek "nahikoa justifikatu gabeko gehiegizko soldatak" sortzen dituztela. Iritzi hori kontuan hartuta, azpimarratu zuen bere alderdia abstenitu egingo zela, nahiago zuelako balorazio txostenaren zain geratu.

EAJko Jon Antxordokik hartu zuen hitza gero, bozka azalpena egiteko. Ohartarazpen bat egin zuen, esanaz, bere alderdiak alde bozkatu zuen arren, udaltzainen kabo postuari bigarren hizkuntza eskakizuna eskatu beharrean, hirugarrena exijitu beharko litzaiokeela. EH Bilduko Esti Garmendiak, aldiz, bere alderdiak abstentziara jo izanaren arrazoiak azaldu zuten, argituz lanpostuen arteko erlazio txostenari "hainbat hutsune" ikusten dizkiola.

Bozketa egin zuten jarraian, eta honakoa izan zen emaitza: aldeko 11 bozka (PSE-EErenak eta EAJren hiru), eta sei

abstentzio (EH Bilduren 4 eta ELOPen 2). Hori hala izanik, aurrera egin zuen gaiak.

Bozeramaileen Batzarrak 2023ko martxoaren 8rako EUDELeke adierazpena adostu izanaren kontu ematea egin zuten zazpigarren puntuan, eta zuzenean, zortzigarren gaiari eutsi zioten. Mozio bat ekarri zuen mahai gainera EH Bilduk. Uxue Loinaz alderdikideak hartu zuen hitza, eta esan, EUDELen adierazpenaz gain, zaintza zentroan jarriko duen zenbait neurri proposatzen dituen mozioa ekarri zuela bilkurara. Gaiak ez zuten aurrera egiterik izan, bozketak aurkako eta abstentzio iritzi gehiago bildu baitzituen, aldekoak baino. Hau izan zen alderdien jarrera gaiarekiko: PSE-EE aurka (8 bozka); EH Bildu eta ELOP alde (6 bozka); eta, hiru abstentzio (EAJ).

Bi galdera eta eskaera bat jaso zituen udal gobernu taldeak, saioa amaitu aurretik; ELOP eta EAJaren partetik. Saioa osorik ikusi nahi duenak, honako helbidean egin dezake: <https://www.youtube.com/watch?v=KfKY-WMfvNI>.

## Lankidetzaren hitzarmena berri dute Usurbil LHik eta GFAk

Akordioaren bidez, energia berritzaileen alorra lantzeaz gain, baliabide hori efizienteki erabiltzean jarriko dute fokua

## Txintxarri

Prestakuntza, dibulgazioa eta sentsibilizazioa sustatzen jarraitzeko akordioa berri dute Usurbilgo Lanbide Eskolak eta Gipuzkoako Foru Aldundiko Ingurumen Sailak. Hala jakinarazi du ikastetxeak, eta iragarri, hitzarmen horren bidez energia berritzaileen alorra

jorratez gain, energia aurreztu eta efizienteki erabiltzean jarriko dute fokua.

Hauek dira hezkuntza zentroak eta erakundeak hartu dituzten konpromisoak, akordioa berritzeko ekitaldian: prestakuntza teknikoak, Gipuzkoako udalen eraikinetako energia kontsumitzen duten

instalazioak erosi, mantendu eta erabiltzearekin zerikusia duten funtzioak aurrera eramaten dituzten teknikari eta kudeatzaileentzat; Dibulgazio, sentsibilizazio eta frogatze jardunaldi teknikoak, Gipuzkoako Foru Aldundiko nahiz udaletako teknikariei edota enpresa pribatuak zein merkataritzako profesionaleri bideratutako saioak izango dira; eta, Dibulgazio, sentsibilizazio eta erakustaldi bisitak herriarrentzat (autokontsumorako nahiz ibilgailu elektrikoak kargatzeko instalazioei buruzkoak izango dira).



NEURE KABUZ

JULEN BASTERRA

## Naturarekin konektatzen

Ez nuke handiustekoa izan nahi edota inor inbidiatan uzterik nahi, baina, uste dut lasarteoriatar gutxiak konektatu duela neguarekin nik bezainbeste aurten. Erraza da udaberriko epeltasunarekin identifikatzea, udarako eguzki beroa hondartzarekin uztartzea, udazkeneko hosto lehorrak zapaltzea edota negua sutondoan igarotzea. Baina, neguko hotza, euria edo elurrarekin kanpoan zortzi orduz aritzea... Hori beste kontu bat da. Zin dagizuet, momentu batzuetan, erabateko konexioa lortu dudala. Hori bai, teorian gustuko ez dugun naturaren alderdi horrekin.

Hasieran, ez duzu hor egon nahi. Hor egon behar ez zenukeela dioten ahots pila bat entzuten dituzu zure buruan. Baina, hor zaude, tipula adina kapa soinean, eskularru eta txano. Hotz handia egiten du eta zu adarrak lotzeko makinarekin adarrak banan-banan estruktura metalikora lotzen ari zara. Adarra hartu, norabidea eman, pistolari tiro, plastikozko alanbredun lazoa jarri eta hurrengo adarrari so. Behatz puntak sentitzeaz ez uzteko gogor estutzen dituzu aldiro eskuak. Odola bero mantentzea lortu duzu. Bat-batean, hotza desagertu egiten da. Hotza ez baitzegoen "inon", hotza sentitzeko gai zen gorputza baizik. Lanak, berriz, beti darrai. Jarduera errepikakor hori ez da desagertu.

"Hamaikak". Deskantsua iragartzen duen lankidearen ahotsak geldiarazi zaitu. Fruta pixka bat jateko lehen etenaldia da. Hamabost bat minutu eta lanera itzultzen zara berriro. Hor zaude, bi besoak luzaturik, adar guztietara helduz, bakar bat ere lotu gabe ez uzteko asmoz. Bazoak, landare bat bestearen atzetik lotuz, estruktura metalikoa adarrez betez, modu horizontalean. Zu, berriz, burua gorantz begira ari zara, bertikalean. Lepoa nekatu zaizu zerura begira, baina, postura horretan, inoiz erreparatu ez zenien txorien presentziak jabetzen zara. Lankideei galdetzen diezu hegazti horiek ezagutzen ote dituzten. "Milanos". Miru gorriak direla berretsi duzue mugikorrean. Hegazti eder horien konpainiak lan errepikakorra arindu dizu. Musika jar zenezake, baina, nahiago duzu txorien kantuz eguna girotu: mikak, beleak, usoak, txantxangorriak...

"Ordubata". Lankideekin mahastian bertan eseri eta aurreko egunean prestaturiko termotik koilara platera epela sartzen duzu barrura zera ikustea ahalbidetzen dizun estruktura metalikoaren azpian. Koilarakada bakoitza pare bat kontu elkarri esanez uztartu eta azken txanpari ekitera. Hotza berriro, hotza sentitzen duen zure gorputza. Geldialdiak erritmoa hautsi dizu. Kosta egiten zaizun arren, lanean sartzen zara buru belarri beste behin. Lankidearekin hitz egin zenezake, baina isiltasun horretan dagoen bakeaz eta edertasunaz ohartzen zara. Ez duzu isiltasuna hautsi nahi. Zerbait esateak unea okerragotuko luke. Elurra hasi du orduan. Haizearekin batera aurpegian jotzen du, hotza sentitzen duen zure aurpegian. Euritarako erabiltzen duzun arrantzaletre trajea soinean duzula sutondoan balitz bezala duzu gorputza. Bero. Badakizu nola mugitu. Lanaren erritmora. Aurpegiari, nahi gabe, irribarre bat marraztu zaio.

"Ez dio axola eguraldiak". Txoriburu bat bazina bezala begiratu zaituzte lankideek gustura ari zarela esan diezunean. Irribarre kutsatu diezue elkarri. Barrea ere bai. Eta hor zaude, txoriburu bat zarela jakitun. Han. Hemengo neguan. Mirua bezala. Zorionsu.

Alajaina... Ezagutzen ez zenuen naturaren aurpegi horrek erakutsi dizu aurten, nolabait, naturarekin konektatzen.

GORKA LASA | ASIER ODRIUZOLA | GORKA ALVAREZ  
JEXUX ARTETXE | MAITANE REBE | JULEN BASTERRA  
LIERNI REKONDO | AIZPEA AMAS

# Bizikleta hirian nola erabili ikasiko dute

Gipuzkoako Foru Aldundiak sustatutako bizikletaren hiri erabileraren gaineko ikastaroan parte hartuko dute Orlarte Institutuko hainbat ikaslek. Helburu nagusia da nerabeei prestakuntza ematea, baita gainerako herritarrekin bizikidetzatza ona bermatzeko tresnak eskuratzea ere

## Txintxarri

Gipuzkoako Foru Aldundiaren Mugikortasuneko eta Lurralde Antolaketarako Sailak bizikletaren hiri erabilera sustatzeko egitasmo batean parte hartuko dute Oriarte Institutuko hainbat ikaslek. Hiru zatitan banatutako zortzi ikastaro izango dira, eta apirilean egingo dituzte.

Hala jakinarazi dute, berriki, Gipuzkoako Foru Aldundiko Mugikortasun eta Garraio Publiko saileko zuzendari Ander Iturrik, Agustin Valdivia alkateak, eta Txita enpresako ordezkari Harri Zuazok. Aurkezpenean egon dira baita ere Oriarte Institutuko zuzendari



Egitasmoaren antolaitzaileak Oriarte BHI-n eman dituzte xehetasunak. TXINTXARRI

Olga Iribar eta zuzendariorde Diego Lopez.

DBH 1.mailako 192 ikasleak izango dira ekimenean parte hartuko dutenak, eta guztira zortzi saio izango direla iragarri dute antolaitzaileek; Gipuzkoako Foru Aldundiak finantzatu ditu horiek.

Egitasmoaren xehetasunak ikastaroa emateaz arduratuko den Txita enpresako ordezkari Harri Zuazok eman ditu; azaldu du, hiru zatitan banatuko direla saioak. Lehenengoa formakuntza teorikoa izango da, eta ikasleek bizikletaren hiri erabileraren gaineko zenbait jakintza barneratu ahal izango dituzte. Bigarrenean, berriz, ariketa eta jolas ezberdinak egingo dituzte ikastetxeko patioan, bizikletarekin. Baliagarri izango zaie hori ere hirugarren eta azken saiorako; herriko errepide eta bidegorrietan barrena ibiliko dira.

Ekimenaren helburu nagusia da nerabeei bizikletaren hiri erabileraren gaineko prestakuntza ematea, ez hori bakarrik, ordea. Hirietan bizikletarekin segurtasunez eta

errespetuz zirkulatzeko modua barnera dezaten ere nahi dute antolaitzaileek. Azpimarra berezia egin dio bigarren xede horri Ander Iturri Gipuzkoako Foru Aldundiko Mugikortasun eta Garraio Publiko zuzendariak: "Gainerako herritarrekin bizikidetzatza on bat bermatzeko beharrezkoak diren tresnak eta ezagutzak emango zaizkie. Gure hirietako mugikortasunean kultura aldaketa bat sustatu nahi dugu".

Agustin Valdivia alkateak ere hitz egin du, eta esan, udalak interesez hartu duela Foru Aldundiaren ekimena: "Gazteei bizikleta garraio bide gisa erabiltzeko prestakuntza eta kontzientzia emateko, Lasarte-Oria mugikortasun iraunkorreko beste urrats bat da".

Ikastetxeko ordezkariak ere gustura agertu dira egitasmoarekin. Uste dute ikasleek gogoz erantzungo diotela bertan parte hartzeari. Azaldu dute gaur egun badituztela ikastetxera bizikletaz joaten diren zenbait ikasle.

## ORIANTE BHI

BI ERAIKIN, INSTITUTU BAT!

BATXILERGOKO-ko IKASLEEN ONARPENA 23-24

MARTXOAREN 27-tik APIRILAREN 21-era



Landaberri eraikina DBH 1-2  
Pintore 2,  
20160 Lasarte-Oria  
943 89 94 94



Larrekoetxe eraikina DBH 3-4 eta Batxilergoa  
Buenos Aires aldapa 1,  
20160 Lasarte-Oria  
943 89 94 92

ATE IREKIAK Martxoaren 22an (17:30-18:30) Larrekoetxe eraikinean



[www.oriarte.eus](http://www.oriarte.eus)



# Lehenengoak, 'Ainarak' eta 'Kuartk Valley'

Okendo Zinema Taldea hirugarrenez aurrera eramaten ari da Euskal Dokumentalen Zikloa. Sei proiektiotik bi egin dituzte, eta hurrengo lauak hilak 17, 24, 25 eta 26an izango dira, kultur etxean. 'Izaro', '918 gau', 'Zumiriki' eta 'Los Xey' emango dituzte

## Txintxarri

Euskal Dokumentalen Zikloko aurreneko bi proiektioak egin ditu Okendo Zinema Taldeak: *Kuartk Valley* eman zuten hilaren 18an, Maider Oleaga zuzendaria gonbidatuta; bezperan, berriz, *Ainarak*, Lasarte-Oriako Udalarekin elkarlanean, Martxoaren 8aren egitarauaren barruan. Beste lau emanaldi programatu dituzte aurtengo aldirako, kultur etxean: gaur, hilak 17, 22:00etan, *Izaro*; hilaren 24an, 22:00etan, *918 gau*; 25ean, 20:00etan, *Zumiriki*; eta 26an, 19:30ean, *Los Xey*. Saio horietako guztietarako sarrerek 6 euro balio dute.

Maider Oleagak zuzendutako *Kuartk Valley* izan zen Euskal Dokumentalen Zikloko bigarren saioko protagonista. Arabako Kuartango udalerrian western bat errodatzeko ametsa zuen Jose Luis Murgak, eta Oier Martinez de Santosek zuzendutako *Algo más que morir*



'Kuartk Valley' dokumentalaren zuzendari Maider Oleaga, hitzetan. TXINTXARRI

pelikulan gauzatu zuen. Egia bilakatze horretan, ordea, bizilagunen laguntza ezinbestekoa izan zuten. Urtetan luzatu zen egitasmo horren berri ematen du ikusentzunezkoak. Gasteizen hazia bada ere, Oleagak ez zuen Kuartango ezagutzen. Hara joan zen batean lagun batek esan zion bailaran western bat

egin zutela eta une horretan "hemen film bat dago" pentsatu zuela gogoratu zuen proiektzio ondorengo solasaldian.

Urte batzuk geroago, grabaketa horri buruzko dokumental bat zuzentzeko mandatua jaso zuen. "Nola egin zuten kontatzea nahi zuten. Pertsona baten pedrada, 18 urterekin hasi zen asmoarekin, eta herri horren

gaitasuna hori aurrera ateratzeko", laburbildu zuen.

## Estreinaldia, 2021ean

Hori buruan zuela 2015ean joan zen lehenengoz Kuartangora, errodajea, berriz, 2018-2019 urteen artean egin zuen. 2021ean Zinemaldian estreinatu zuten. Bailarara joaten hasi zen eta "westerna hor zegoela" ikusi zuen, eurak bakeroen filmetako pertsonaia direla, eta hori nola filmatu pentsatzen hasi zen.

Nola kontatu ez zekiela aitortu zuen, ez baitzeukan ezer, paisaia eta herritarrak bakarrik. "Prozesua nahiko gatazkatsua izan zen, modu asko pentsatu nituen pelikula kontatzeko". Muga gisa jarri zuen *Algo más que morir* ez erakustea, baina une batean jabetu zen ezinezkoa zela, horregatik, grabaketako zatiak erabili ditu, kamara martxan dela jasotako zenbait une. "Oso ondo pentsatuta dago planoka eta oso duina da. Oso elementu gutxirekin eta herriaren laguntzarekin egin zuten". Oraingoz ez dago inon ikusgai, nahiz eta Oleagak sarean jartzeko aholkatu dien.

Hain zuzen ere, zuzendariarentzat une politena Kuartangon pelikula ikusi zutena izan zen. "Oso polita izan zen jendeak nola hartu zuen eta zer nolako erantzuna eman zidan. Oierrek esan zuen: *Algo más que morir* bailara horren erretratu bat da eta pelikula honek historia egiten du, ez handian, herriarentzat baizik".

## Programazioa



### 'Izaro'

Hilaren 17an, 22:00etan.



### '918 gau'

Hilaren 24an, 22:00etan.



### 'Zumiriki'

Hilaren 25ean, 20:00etan.



### 'Los Xey'

Hilaren 26an, 19:30ean.

## Katalogo bat egingo du udalak, herriko artistak ezagutarazteko

Modalitate artistiko desberdinetan aritzen direnek apirilaren 16ra arte izena eman ahalko dute, igandea

## Txintxarri

Edozein diziplina artistikotan aritzen diren herritarren datuak jaso, eguneratu eta katalogo batean bildu nahi ditu Lasarte-Oriako Udalak, helburu honekin: herritarrekin nahiz eragileekin partekatzea, jarduerak antolatzerakoan datu base hori erabil dezaten. Apirilaren 16a baino lehen izena eman beharko dute erregistro horretan azaldu nahi duten artistek.

Agustin Valdivia alkateak eta Gazteria, Festak eta Kirolak saileko buru Txus Alonsok

aurkeztu dute egitasmoa. Adierazi dute udalak erregistro bat duela egun eta 55 artista ingururen datuak dituztela, aipatu departamentuak aurrera eramaten dituen jardueretarako deitzeko. Gaurkotu egin nahi dute zerrenda hori, eta katalogo itxura eman, lasarteoriatarren eskura jartzeko, norbanakoek nahiz eragileek ekimenak antolatzean kontuan izan ditzaten modalitate desberdinetan lan egiten duten artistak. PDF interaktibo bat izango da, diziplina artistikoetan berezia,

"nabigazioa erraztu eta bilatu nahi dutena erosoago aurki dezaten". Horrez gain, artistak publikizatzeke modu bat dela azpimarratu dute. "Askotan, gure herrian ekimenak aurrera eramane nahi ditugunean, gure udalerrian ditugun baliabideak erabil ditzakegu, herrikoak diren artistengana jo", adierazi du Gazteria, Festak eta Kirolak saileko buruak.

Udalak prestatu duen formulario digitalean apirilaren 16aren aurretik izena eman beharko dute interesdunek, arestian aipatu bezala; bestela, katalogoaren hurrengo eguneratzerara arte itxaron beharko dute. Baten batek zalantzarik izanez gero, [erregistroa.artistak@lasarte-oria.eus](mailto:erregistroa.artistak@lasarte-oria.eus) helbide elektronikora idatz dezake.

## Katalogoan inskribatzeko

Udalak prestatutako duen katalogoan izena eman nahi dutenek apirilaren 16ra arteko epea izango dute, egun hori barne. Bestela, zerrenda berriz eguneratu arte itxaron beharko dute. Inskribatzeko estekara joateko, eskaneatu ezazue QR kode hau.



## Herritarrek ia 200 ekarpen egin dituzte sanpedroetarako

Lasarte-Oriako Udalak jakinarazi duenez, lasarteoriatarrek 194 iradokizun bidali dizkiote Jaietan Blai parte hartze prozesuaren bidez, aurtengo sanpedroetako programa osatzeko. Proposamenak hiru kategoria hauetan egin dituzte: euskal musika taldeak, estatuko musika taldeak eta jaietako jarduerak, kontzertuak ez direnak.

Jasotako ekarpenak aztertzen ari da Gazteria eta Festak departamentua. Lasarteoriatar gehienek Internet erabili dute proposamenak egiteko (151, guztira), baina udalerrian zehar jarritako buzoietatik ere jaso dituzte iradokizunak, zehazki, 43. Euskaraz 70 bidali dituzte.



ALBOKA ABESBATZA

## "Ezin hobeto" bukatu dute hartu-eman

Antiguako San Sebastian Martiri parrokiaren (Donostia) aritu zen kantuan Alboka Abesbatza hilaren 11n, Donostiako Luberrikoruarekin batera. Bi taldeek hartu-eman bat egin dute hilabeteotan –Eguberrietako kontzertuan Lasarte-Oriara etorri ziren, San Pedro parrokiara–, eta Albokako kideen esanetan, "ezin hobeto" amaitu zen, hasieran aipatutako emanaldi horrekin.

Luberrikoek ekin zioten kontzertuari. Junkal Guerreroren zuzendaritzapean, abeslariak bost doinu osatutako egitaraua partekatu zuten ikus-entzuleekin: Norvegiako eztei martxa bat; L. Molfino konpositorearen Sacrum Convivium; Antiguako auzokide izandako Imanol Larzabalen zenbait abesti, Luberriren zuzendariak berak moldatutakoak; eta, amaitzeko, J. Ezkurraren *Aritz Adarrean-Kattalin*.

Albokak bitan banatu zuen bere saioa. Obanosko Amotegi lehiaketan apirilean aurkeztuko duen erreperorioaren zati bat erakutsi zuen lehen zatian. Abestietako batean Erketz EDTko dantzarien laguntza izan zuten. Bigarren zatian, aldiz, *Durme durme* sehaska kanta sefardiar, *La La Land* filmeko abesti *City of stars*, Mikel Laboaren *Martxa baten lehen notak* eta Itoiz taldearen *Lau teilatu* abestu zituzten. Kontzertua amaitzeko, bi abesbatzak batera jardun ziren: J. Elberdinen *Izar ederrak* kantatu zuten aurrena, Latorreren gidaritzapean; eta *Mutil txaleko gorri* gero, Guerreroren zuzendaritzapean.



TXINTXARRI

## Barrikotea, hilabetea ixteko

Semblante Andaluz elkarteak sagardotegiko menuan oinarritutako afari bat egingo du hilaren 31n, ostirala, 21:00etan, Atsobakar auzoko egoitzan. Izena emateko epea irekita dagoela gogorarazi dute antolatzaileek, eta azpimarratu 90 pertsona baino gehiago ez dituztela onartuko. Elkarteko bazkide direnek 25 euro ordaindu beharko dituzte, eta ez direnek, 30.


 URAREN EUSKAL AGENTZIA | AGENCIA VASCA DEL AGUA




Betidanik, beste inork baino gehiago irabazi diogu urari. Baina inoiz ez dugu izan dena galtzeko orain dugun arriskua.

**EZ DAGO URA BAINO INDARTSUAGORIK**

Elena Arzak, Chef.  
3 Michelin Izar, 2012ko Munduko Emakume Chef Onena.

[www.indartsuagoak.eus](http://www.indartsuagoak.eus)

# Manterola eta Urdalleta izan dira garaileak

'Hizkuntza loratu, izan sortzaile' lehiaketaren irabazleak nortzuk diren jakinarazi dute Lasarte-Oriako Udaleko Euskara Zerbitzuak eta Ttakun Kultur Elkarteak. Plaka bana jarriko diete iazko urrian Askatasunaren parkean landatutako bi haritzei

## Txintxarri

Izaskun Manterolaren eta Xuban Urdalletaren esaldiak saritu dituzte Lasarte-Oriako Udaleko Euskara Zerbitzuak eta Ttakun Kultur Elkarteak, Euskararen 10. Maratoialdian landatutako bi haritzei plaka bana jartzeko *Hizkuntza loratu, izan sortzaile* izeneko lehiaketan. Helduen eta gazteen kategoriatako irabazleak izan dira, hurrenez hurren; 100 euro poltsikoratu ditu bakoitzak.

Udaleko Euskara departamentuko buru Jon Antxordoki eta Ttakun KEko lehendakari Mari Karmen Ormazabalek lehiaketaren bi garaileak zoriondu dituzte, eta parte hartu duten guztiei eskerrak eman. Epaimahaiko kideak hauek izan dira: Idoia Garzes idazlea, Euskara Zerbitzuko langile Aitor Unanue, Euskararen 10. Maratoialdiko zortzikoteko kide Coro Dominguez eta Vicky Castro, eta TXINTXARRI aldizkariko kazetari Iñigo Gonzalez.

Askatasunaren parkean bi haritz landatu zituzten iazko urrian, Maratoialdiaren lehen fasean, Sentitu izenekoan, ekitaldi hunkigarri batean. Zuhaitz horietako batean plaka jarrita, gaur egunera arte aurrera eraman dituzten Euskararen



Ezker-eskuin: Ormazabal, Urdalleta, Manterola eta Antxordoki. TXINTXARRI

Maratoiaren parte hartu duten pertsonak omenduko dituzte; bestean oroigarri bat ipinita, berriz, Lasarte-Oriako belaunaldi berriei adorea piztu nahi diete, euskalgintzan aktiboki parte har dezaten.

## Hilaren 24an, emanaldia

Maratoialdiaren antolatzaileek gogorarazi dute emanaldi bat egingo dutela hilaren 24an, ostiralarekin, Manuel Lekuona Kultur Etxeko auditorioan, 19:00etan. Isa Fernandez de Agirrek eta Edu Galardik makina bat irudi grabatu zituzten iazko urritik abendura, eta horiek in ikus-entzunezko pieza eder bat

ondu dute. Hori ikusi eta duela hilabete batzuk bizitakoa gogoratzeko aukera izango dute lasarteoriatarrek. Proiekziara joateagatik ez dute sarrerarik ordaindu beharko.

Esan bezala, iazko urritik abendura egin genuen Euskararen 10. Maratoialdia, 42 eguneko bidea, hiru fasetan: Sentitu, Prestatu, eta Ekin. Aurrenekoan euskaraz jarduteko motibazio kolpea jaso genuen; bigarrenean, hizkuntza asertibitate landu eta Euskaraldiari ekiteko motorrak berotu; eta hirugarrenean, euskaraz gehiago hitz egin, Euskaraldiak iraun zituen bi asteetan.

## Jolasen mundua ezagutzeko aukera, Amali-ren eskutik

Haur Hezkuntzan ari diren hurrei zuzendutako hitzaldi eta tailer bana emango dituzte, hilaren 27an eta 28an

## Txintxarri


Ttakun Kultur Elkarteak hitzaldi eta tailer bana antolatu ditu, hilaren 27an eta 28an hurrenez hurren, Haur Hezkuntzan jolas eta jostailuekin dauden aukerak zeintzuk diren ezagutzeko. Amali

Jolastuz Hazi egitasmoa martxan jarri duen Haizea Sarasola lasarteoriatarrekin elkarlanean prestatu ditu jarduerak, eta udalaren laguntzarekin.

Hilaren 27an, *Zein jolas, etxeko txikiarentzat?* hitzaldia emango

du Sarasolak, gurasoentzat, Ttakunenea elkartearen, 17:00etan. Hurrengo egunean, HH3tik 5era arteko haurrek eta euren gurasoek tailer bat egingo dute, mahai jolasez gozatzeko familian, 17:00etan, Ttakunenean.

Izena emateko azken eguna hilaren 24a izango da, ostirala. Horretarako, interesdunek [aisia@ttakun.eus](mailto:aisia@ttakun.eus) helbide elektronikora idatzi edo 943-37 14 48 zein 695 78 53 92 telefono zenbakietara deitu beharko dute, edo WhatsApp mezu bat bidali.



Xabin Fernandez eta Intza Alkain 'Kanpora sartzen' antzeztzen. EITB

## 'Kanpora sartzen' antzeztzen ari da Intza Alkain lasarteoriatarra

Legorretan egin dute estreinako saioa, eta iragarri dituzte gehiago ere; tartean, maiatzaren 6an, Lasarte-Orian

## Tintxarri

*Kanpora sartzen* obra estreinatuta berri du Txalo Produksioak konpainiak; iragan asteburuan, hilaren 11n oholzaratu zuten lehenengoz, Legorretako Herri Antzokian. Bertakoa da Xabin Fernandez obraren idazlea. Seropositiboa zela jakin zuen duela hamar urte, hau da, GIBak (Giza Immuneskasiaz Birusa) eragindako HIESa (Harrapatutako Immuno Eskasiaren Sindromea) zuela, eta bizipen horretan oinarrituta idatzi zuen antzerki obra. Idazle lanak egiteaz gain, antzezle ere ari da, baina ez bera bakarrik, berarekin batera ari baita, oholta gainean, Intza Alkain lasarteoriatarra ere.

Kolore gorriko jantziak soinean agertzen da herritarrek ezenatokian, eta GIBa hezurramitzen du. Erakutsiko ditu horrek Fernandezi sortutako barne bizipen guztiak: beldurrak, kezka, eta abar. Hala azaldu zuen hilaren 14an ETBko *Biba Zuek* programan, Fernandezekin batera egindako elkarrizketan.

## Maiatzaren 6an, herrian

Lehen saioa eta gero, iragarri dituzte gehiago ere, Zaldibian eta Ordizian, besteak beste. Baina horien artean, Lasarte-Orian ere bai. Maiatzaren 6an izango da emanaldi hori, Manuel Lekuona Kultur Etxeko auditorioan.

## Mus txapelketarekin hasiko dira 50 urteak ospatzen

Lasartearra elkarteak mende erdi beteko du aurten, eta ospatzen hasteko, jakinarazi du mus txapelketa bat antolatu duela. Izena emateko azken eguna apirilaren 14a izango da, ostirala. Interesa dutenek elkartearen egoitzara joan beharko dute, Erribera 10 kalera, eta bertan topatuko duten inprimakia bete, datu hauekin: izen-abizenak eta

telefono zenbakiak. Antolatzaileek ohartarazi dute bikote bakoitzeko kide batek gutxienez izan behar duela Lasartearra bazkide. Inskripzioak 10 euro balio ditu.

Kanporaketak apuntatzen diren jokalarien arabera izango dira. Txapelketari apirilaren 17an ekingo diote, eta final handia hilabete geroago izango da, maiatzaren 27an, elkartearen bertan. Irabazleek txapel bana jantziko dute, eta gainerako partaideentzat ere sariak izango direla aurreratu dute.



# EDERTASUNA ZABALDU



Gipuzkoa poesiaz bete nahi dugu eta zurekin kontaktzen dugu hori lortzeko.

## MARTXOAREN 15etik 21era

Partekatu edertasuna zure sare sozialetan eta berehalako mezularitzako aplikazioetan: poesia, argazkiak, poema irakurketak, bideo sortzaileak... Irudimena da muga.

#EdertasunaZabaldu #PoesiarenEguna

Poesiaren  
Eguna

Martxoak 21

Gipuzkoako  
Foru Aldundia  
Kultura, Lanbide, Gazteria  
eta Kirol Departamentua



ETORKIZUNA  
ORAIN



@GipuzkoaKultura

# "Sariak aurrera egitera bultzatzen zaitu"

**AITOR MANSO MENDI IGOERETAKO GIDARIA**

2022 denboraldiko Euskadiko mendi igoeren irabazlea izan da Aitor Manso. 8. mailako zein Gipuzkoako txapelak ere jaso ditu. Hilaren 25ean Aian, hasiko du aurtengo lehia

## Nerea Eizagirre

Euskadiko automobilismoko denboraldia hilaren 5ean hasi zen Gabiriako rallysprintarekin. 2022ko denboraldiko sariak ez zeuden banatuak, ordea; hilaren 11n, Azkoitiako Baztartxo antzokian jaso zituzten euren garaikurrak kategoria ezberdinetako gidariak. Aitor Manso herritarrak, esate baterako, mendi igoeren sari nagusia jaso zuen. Lasarte-Oriako gidaria 8. mailako eta Gipuzkoako txapeldun ere izan da. Harekin bildu garaikurrak zer suposatzen duen jakin eta denboraldi berriari buru hitz egiteko.

**Azaroan Sollubeko proba bertan behera geratu ostean amaitu zen**



Aitor Manso herritarra, podiumean garailearen saria jasotzen. A. MANSO

**2022 urteko denboraldia. Baina urte hasiera arte ez dute ziurtatu zu garaile zinenik. Zer suposatu du zuretzat baieztapen horrek?**

Alaitasun handia izan zen txapeldun nintzela jakitea. Nahiz eta ez dugun berez irabazi, Joseba Iraolak lasterketa bat

gutxiago lehiatu zuen eta horregatik izan gara garaile. Hala ere, sariak aurrera egitera bultzatzen zaitu.

**Hilaren 25ean hasiko duzue denboraldi berria Aian. Autoari moldaketarik egin al diozu?**

Bai, kotxearen fabrikatzaileak hobekuntza batzuk egin dizkio. Iazko lehiaketako jarduna aztertu eta puntu batzuk hobetzeko zeudela ikusi zuen.

**Eta gidatzeko moduan ere aldaketarik egin al duzu?**

Bai, noski. Autoaren barruan kamera bat dut eta iazko igoerak ikusten egon gara gidatzeko modua ere nola hobetu dezakegun ikusteko.

**Nola ikusten duzu Aiako igoera?**

Hilaren 12an, ibilbidea aztertzea eta proba batzuk egitera joan ginen. Guztia ongi joan zen eta sentazio onak ditugu. Oraingoz ikusi dugunez, iazko parte hartzaile berek eman dute izena. Beraz borrokatua izango da.

Gainera, Opakuak proba ere apiril hasieran izango dugu. Beraz indartsu hasiko dugu denboraldia.

**Aurten ere Joseba Iraola gaitzeta izango da zure helburua?**

Iraola gaitzeta zaila da. Bere ibilgailua gurea baino azkarragoa da, potentzia gehiago

du. Baina gertu egotea espero dugu.

Aurten beste gidari batek ere Iraolaren antzeko kotxea izango du, Arkaitz Ordokik. Pilotu horrek autoa ongi menderatu arte aurretik egoteko aukera dugu. Baina gogorak izango dira aurten lehiak.

**Iaz arazo ezberdinengatik proba batzuk bertan behera geratu ziren. Aurten guztiak jokatzea espero duzue?**

Pixkanaka ikusiko da hori. Aurtengo proben artean Bergara aldean egiten den Gorla dago kolokan. Errepidea ongi ez dagoela adierazi dute. Ea konpontzea lortzen duten eta proba egin daitekeen.

**Iaz lehenengoz Kantabrian lehiatu zinen. Aurten ere Euskadiz kanpoko probaren batean parte hartuko al duzu?**

Bai, aurten ere Espainia mailako probaren bat egin nahi dugu. Oraindik ez dugu zehaztu zein. Baina AutoHebdo Sport aldizkariak pilotu gazteei zuzendutako proba batzuk egingo ditu eta batek sari ederra jasoko du, euren taldeko Espainiako Mendi Txapelketako gidari izatea. Ehun bat pertsona gaude izena emanda eta ikusiko dugu zer gertatzen den.

## ASTEBURUKO HITZORDUAK

<b>FUTBOLA</b>
<b>OHOREZKO ERREGIONAL MAILA</b>
<b>Ostadar SKT - Lagun Onak</b> Igandea. 14:20. Michelin kirol gunean.
<b>GORENGOEN MAILA</b>
<b>Ostadar SKT - Astigarragako Mundarro FKE</b> Larunbata. 16:35. Michelin kirol gunean.
<b>ERREGIONAL 1. MAILA, KOPA</b>
<b>Texas Lasarteerra CF - Usurbil FT B</b> Larunbata. 18:30. Michelin kirol gunean.
<b>Usurbil FT B - Ostadar SKT</b> Larunbata. 17:45. Harane, Usurbilen.
<b>OHOREZKO JUBENIL MAILA</b>
<b>Pasaia KE - Ostadar SKT</b> Larunbata. 18:45. J. M <sup>a</sup> Zamora, Errenterian.
<b>JUBENIL 1. MAILA, IGOERA</b>
<b>Ostadar SKT B - Hondarribia FE B</b> Igandea. 16:15. Michelin kirol gunean.
<b>JUBENIL 1. MAILA, KOPA</b>
<b>Sporting de Herrera B - Texas Lasarteerra CF</b> Larunbata. 17:30. Herrera, Donostian.
<b>OHOREZKO KADETE MAILA</b>
<b>Trintxerpe CD - Ostadar SKT</b> Larunbata. 12:00. Trintxerpe, Pasaian.
<b>KADETE 1. MAILA, KOPA</b>
<b>Ostadar SKT B - Beti Ona CD C</b> Larunbata. 11:20. Michelin kirol gunean.
<b>Arrupe Chaminade CD D - Ostadar SKT C</b> Larunbata. 14:15. Felix Garin, Donostian.

<b>Aizkorri FT C - Texas Lasarteerra CF</b> Larunbata. 18:00. Alustiza, Seguran.
<b>OHOREZKO INFANTIL MAILA, KOPA</b>
<b>Igeltegi de Donostia CF - Ostadar SKT</b> Larunbata. 09:00. Plazeta, Lezon.
<b>INFANTIL TXIKI, KOPA</b>
<b>Ostadar SKT - Allerru KE</b> Larunbata. 09:45. Michelin kirol gunean.
<b>INF. 1. MAILA, TXAPELDUNEN FASEA</b>
<b>Beasain SD - Texas Lasarteerra CF</b> Larunbata. 09:30. Igartza, Beasainen.
<b>INFANTIL 1. MAILA, KOPA</b>
<b>Ostadar SKT B - Arrupe Chaminade CD A</b> Larunbata. 15:00. Michelin kirol gunean.
<b>Tolosa CF B - Ostadar SKT A</b> Larunbata. 09:00. Elorri, Alegian.
<b>INFANTIL F8, KOPA</b>
<b>Santo Tomas Lizeoa KE A - Ostadar SKT</b> Larunbata. 13:30. Berio, Donostian.
<b>ARETO FUTBOLA</b>
<b>1. MAILA</b>
<b>Eguzki Arkupe Rehabitaciones - Antiguoko KE Fontaneria Iribarren</b> Larunbata. 16:00. Maialen Chourraut kirol.
<b>2. MAILA</b>
<b>Miren Taberna OKE - Eguzki ISU Leihok</b> Ostirala. 20:00. Elorsoro kirol., Oiartzun.
<b>GAZTEEN MAILA</b>
<b>Eguzki Bodegas Ayesa - Anoeta FT</b> Igandea. 09:30. Maialen Chourraut kirol.

<b>INFANTIL MAILA, 2. FASEA</b>
<b>Antiguoko KE Gli. Dental Goyeneche - Eguzki AF</b> Igandea. 11:20. Pio Baroja kirol., Donostian.
<b>SASKIBALOA</b>
<b>JUNIOR PARTAIDETZA</b>
<b>Erroibide Urbycolan - Ostadar SKT A</b> Larunbata. 12:00. Azken Portu kirol., Irun.
<b>KADETE ERRENDIMENDUA</b>
<b>GSR Ointxa! - Ostadar SKT</b> Igandea. 10:00. Musakola kirol., Arrasaten.
<b>KADETE PARTAIDETZA</b>
<b>Sebal ISB - Ostadar SKT</b> Igandea. 09:00. Azpeitiko kiroldegian.
<b>INFANTIL ERRENDIMENDU URREA</b>
<b>Ostadar SKT - Easo Basket Irulea</b> Igandea. 11:00. Maialen Chourraut kirol.
<b>BOLEBOLA</b>
<b>EUSKAL LIGA</b>
<b>Navarmutilak - Ostadar SKT</b> Igandea. 11:30. Berriozarko kiroldegian, Nafarroan.
<b>EUSKAL LIGA, 2. SENIOR</b>
<b>Ostadar SKT - Navarvoley</b> Larunbata. 18:00. Maialen Chourraut kirol.
<b>KADETEA</b>
<b>Ostadar SKT B - Arizmendi A</b> Larunbata. 09:30. Maialen Chourraut kirol.
<b>Ostadar SKT A - Fortuna 1</b> Larunbata. 12:00. Ibarra kirol., Eskoriatzan.

<b>INFANTILA</b>
<b>Aldapeta Maria Txuri Urdin - Ostadar SKT A</b> Larunbata. 09:00. Aldapeta Maria ik., Donostian.
<b>PILOTA</b>
<b>UDABERRI TX., JUBENILAK 1. MAILA</b>
<b>Intza - Hernani 2</b> Ostirala. 20:00. (2. partida) Loidibarren pilotalekuan.
<b>ERRENDIMENDUA, ALEBINAK 2. MAILA</b>
<b>Intza - EPLE</b> Ostirala. 20:00. (1. partida) Loidibarren pilotalekuan.
<b>GIMNASTIKA</b>
<b>AMATEUR TXAPELKETA</b>
<b>LOKEko gimnastek Amateur txapelketako bigarren fasea lehiatuko dute.</b> Larunbata. Egun osoa. Ibarra kiroldegian.
<b>ERRUGBIA</b>
<b>OHOREZKO B MAILA</b>
<b>Gesalaga Okelan Zarautz Beltzak RT - Getxo RT</b> Larunbata. 16:00. Asti, Zarautzen.
<b>EUSKAL LIGA, OHOREZKO B MAILA</b>
<b>Zaisa Txingudi RC - Gesalaga Okelan Zarautz Beltzak RT</b> Larunbata. 16:00. Plaiaundi, Irunen.
<b>18 URTEZ AZPIKOA</b>
<b>Uribealde Txingudi RC - Gesalaga Okelan Zarautz Beltzak RT</b>

Larunbata. 10:30. Atxubizuri, Mungia, Bizkaian.
<b>16 URTEZ AZPIKOA</b>
<b>Gesalaga Okelan Zarautz Beltzak RT - Gernika Arratiko RT</b> Larunbata. 13:15. Michelin kirol gunean.
<b>JUDO</b>
<b>ESPAINIAKO TXAPELKETA</b>
<b>LOKEko juniorrek Espainiako txapelketarako Iparaldeko sektoreko sailkapen saioa lehiatuko dute.</b> Larunbata. Mendillorriko trinketea kirol., Iruña, Nafarroan.
<b>ESPAINIAKO KOPA</b>
<b>LOKEko Asier Sagasti judokak Beteranoen VI. Espainiako Kopan parte hartuko du.</b> Igandea. Villaviciosa de Odon, Madrilen.
<b>LASTERKETA</b>
<b>ZESTOAKO HERRI KROSA</b>
<b>Lasarte-Oriako kirolariak Zestoako Herri krosean parte hartuko dute.</b> Igandea. 11:30. Zestoan.
<b>DUATLOIA</b>
<b>OÑATIKO DUATLOIA</b>
<b>Lasarte-Oriako zein herriko taldeetako kirolariek Oñatiko Duatloia lehiatuko dute. Euskadiko txapelketa ere jokoan egongo da.</b> Larunbata. 16:00. Oñatin.

# Markak, dominak eta Espainiako errekorra

Buruntzaldea IKTko igerilariak Euskal Herriko txapelketan zein Ciri Para Swimming World Series proban lehiatu dira. Lehen proban, Garazi Etxeberriak junior mailako bi brontze jantzi ditu; Nahia Zudairek S8 mailako Espainiako errekorra lortu du bigarrenan

## Txintxarri

Buruntzaldea IKTko igerilariak bi lehiaketa garrantzitsuri aurre egin zieten hilaren bigarren asteburuan: absolutu eta junior mailako Neguko Euskal Herriko Txapelketa eta Ciri Para Swimming World Series proba.

Iruñean lehiatu zuten lehena eta June Lopez, Garazi Etxeberria, Iker Gorostegui eta Miren Sarobe taldekideek parte hartu zuten hainbat probatan emaitza onak lortuz; 11 marka pertsonal egiteaz gain, junior mailako bi brontze jantzi zituen Garazi Etxeberriak.

June Lopez bizkar erako 50 m. (35,08), 100 m. (01.14,92) eta 200 metroko probetan (02.40,71) eta 100 m. librean (01.06,00) aritu zen eta guztietan marka pertsonala ondu zuen.

Garazi Etxeberriak eta Miren Sarobek, aldiz, estilo libreko 50m., 100 m. eta 200 m. libre eta lau estiloetako 200 m. metrokoetan lehiatu ziren.

Proba motzean haien erregistroetatik gertu ibili ziren biak eta Etxeberriak junior



Euskal Herriko txapelketan parte hartu zuten igerilariak. BURUNTZALDEA IKT

mailako hirugarren postua lortu zuen.

200 m. libre proban, berriz, biek lortu zuten marka berritzea: Etxeberriak, 02.15,54, aurreko marka hiru segundotan hobetuta; eta Sarobek 02.22,03 egin zuen. Etxeberriak, gainera, proba horretan ere hirugarren postua lortu zuen junior mailan. Eta lau estiloetako 200 metroko proban Sarobek marka pertsonal berria (02.43,80) eskuratu zuen.

Azkenik, Iker Gorostegui lau probetan lehiatu zen. 100 tximeletan ezin izan zuen marka

pertsonalik ontzerik izan, baina gainerakoetan bikain aritu zen.

Estilo bereko 200 metroko probako marka 6 segundo hobetu zuen, 02.30,09. Lau estiloetako 200 metroko proban bere marka berria 02,27.03 da eta distantzia berean baina estilo librean, 02,08.91; gainera, proba horretako 100 metroko pasean ere bere marka hobetu zuen, 01.03,42.

## Espainiako errekorra

Bestalde, Nahia Zudaire taldekidea Lignano hirian, Italian izan zen igeriketa egokitutako nazioarteko proban. Parte hartu zuen probetan -100 m., 200 m. eta 400 m. libre, 50 m. tximeleta eta 200 m. lau estilo-lehen postuetan sailkatzeaz gain, bere marka ondu eta Espainiako S8 mailako errekor berria finkatu zuen tximeleta estiloko proba motzean, 35,36.

Zubietako igerilaria gustura dago egindako lanarekin eta Munduko Txapelketara begira gogotsu dagoela adierazi du, *DxtAdaptado.com* orrialdeari egindako adierazpenetan.

# Intzako pilotariak ahazteko moduko asteburua izan dute

Jubenil mailako trinketeko Gipuzkoako txapelketan Peru Urdanpilleta pilotaria txapeldunorde izan da

## Txintxarri

Intza Pilota Elkarteko kideek hitzordu ezberdinak izan zituzten hilaren 11n eta 12an. Horien artean, jubenil mailako banakako Trinkete txapelketako finala izan zen.

Ez da posible izan, Intzako kide Peru Urdanpilletak ezin izan ditu aurtengo trinketeko bi tituluak lortu. Urtarrilean bikotekakoa eskuratu zuen arren, banakakoak ihes egin dio.

Finalean Hernaniko Manterola izan zuen aurrez aurre. Hernaniarra nagusi izan zen eta herritarrek ezin izan zuen ezer egin. Aurkaria 35-12 gailendu zen.

Jose Felix Solano Intzako arduradunak azaldu digunez, partida hasi eta gutxira, gainera, Urdanpilletak bere denboraldia lausotzen ari den eskuineko eskuko mina jasan behar izan zuen; horrek bere jokoa gehiago murriztu zuen.

## Ekialdeko txapelketak

Trinketeko lehiak gain, Urdanpilletak Haritza Diaz de Gereñurekin batera Udaberri Txapelketako Jubenil 1. mailako ligaxkari amaiera eman zion. Bikoteak Eibarren aurka jokatu zuen eta aurkariak 12-22 gailendu ziren. Hurrengo fasean Ekialdeko txapelketa lehiatuko dute.



Urdanpilleta, behean ezkerrean, lortutako trofeoarekin. GIPUZKOAKO PILOTA FEDERAZIOA

Jubenil bigarren mailako bikoteak ere ez zuen zorterik izan. EPLErekin neurtu zituen indarrak eta lasarteoriatarren akatsek aurkariaren garaipena ekarri zuen, 22-17.

Alebin mailan ere emaitzak ez ziren aldeko izan. Lehen mailakoek 9-16 galdu zuten Txapagainen aurka. Bigarren mailan, nahiz eta Markel Lopez eta Ekhi Maizek ongi jokatu, Añorgako bikotea 16-9 nagusitu zen.

Bigarren jubenil eta alebin lehen mailako bikoteak ekialde txapelketatik kanpo geratu dira. Lehen faseko bosgarren eta hirugarren sailkatu dira hurrenez hurren euren multzoetan eta ez dute aurrera egingo.

# LOKEko judoek, hiru domina Gipuzkoako txapelketan

Infantil zein kadete mailako judoek lurraldeko txapelketa lehiatu dute eta LOKEko kideak podiumean izan dira

## Txintxarr

Lasarte-Oriako Kirol Elkarteko Judo saileko kideek txapelketaz betetako hilabetea dute martxoan. Maila ezberdinetako txapelketak zein topaketak egin eta hainbat domina eskuratu dituzte.

Hilari hasiera emateko, 5ean, Erandion jokatu zen junior mailako Euskadi txapelketan izan ziren Unai Guisado, Lucas Morales, Ekhi De La Cruz eta Mario Herrero judokak. Herriko kirol elkarteko kideek ez zuten

euren balioa erakusterik izan eta dominen lehiatik kanpo geratu ziren.

## Hiru domina

Hilaren 11n eta 12an, infantil mailako eta kadete mailako Gipuzkoako txapelketa lehiatu ziren Errenterian eta judoka gazteek hiru domina jantzi zituzten.

Infantilak lehiatu ziren lehen egunean. LOKEko hiru kide izan ziren tatamian borrokan eta

horietako bik podiumera igotzea lortu zuten.

Anne Linazasoro txapeldunorde izan zen eta Iraia Diezek, berriz, brontzeko domina lortzeko borroka gainditu zuen.

Iago Herrerok, berriz, bosgarren amaitu zuen lehia.

Egun bat geroago, kadeteen txanda izan zen leku berean eta Iker Izquierdok lortu zuen asteburuko hirugarren domina. Bere mailako hirugarren postua eskuratu zuen; Tarieli *Tato* Kevlisbivi, berriz, zazpigarren izan zen.

Horrez gain, judo taldeko Ivan Barrentos, Unax Nogales, Sofia Pozo, Ariane Luis eta Ariana Mendoza alebinek Gipuzkoako eskola kirolako topaketan parte hartu zuten.



ORIO ORIALKI

# Ezin lehen hiruren artean egon

Traineruek denboraldiaurreko hitzordua izan zuten hilaren 11n Orion, 29. Oriaren Traineru Jaitsiera. Maila ezberdinetako 69 ontzi lehiatu ziren proban eta herritarren eskifaiek ez zuten huts egin. Lau kilometroko proban, Aiora Belartietak kide duen Donostia Arraun Lagunak podiumetik gutxira geratu zen (15.12,67) eta Intza Fernandez Hondarribia bosgarren (15.16,45) izan zen. Gaizka Ormazabal Hibaikak, aldiz, hamaseigarren amaitu zuen sei kilometroko proba, 21.40,13.

# Herritarrak, Udaberri lasterketako podiumean

46 lasarteoriatarrek parte hartu dute Donostiako XIX. Udaberri lasterketan. Jon Presa herritarra hirugarren sailkatua da eta Julen Goenagak EHUko lehen ikaslearen garaikurra jaso du. 10 kilometrotako Gipuzkoakoa ere lehiatu dute eta brontzea jaso du Presak

## Txintxarri

Hilaren 12an, XIX. Udaberri lasterketak 1.200 bat lasterkari bildu zituen, Donostiako EHUko kanpusean. Lasarte-Oriako 46 ordezkari izan ziren lehiari eta bik podiuma zapaldu zuten.

Lehen metroetatik lasterketa buruan jarri zen Joseba Diaz eta jarraitzaileen multzoan izan zen Aloña Mendi taldeko Jon Presa herritarra. Kontxa aldean ihes egin zuen eta hirugarren (32.01) iritsi zen helmugara.

Horrez gain, proban 10 kilometrotako Gipuzkoako txapelketa ere zegoen jokoan eta horregatik, brontzezko domina ere jaso zuen Presak.

Ez zen saria jaso zuen herritar bakarra izan; Julen Goenagak (34.42) EHUko lehen ikaslea izategatik lortu zuen garaikurra.

## Añorgako duatloia

Egun horretan, Añorgako II. Duatloia ere lehiatu zuten eta hainbat herritar izan ziren lehiari. Zumeatarra taldeko Andoni Illarramendi izan zen lehena helmuga zeharkatzen (01.14.11), baita probako beterano 2 mailako garailea ere. Gainerako herritarrak: Trinko taldeko Iurgi Los Arcos (01.18.55) eta Mikel Izagirre (02.22.19); Zumeatarrako Ibai Izagirre (01.19.58); eta Unai. G. Somovilla (01.27.35).



Jon Presa (erdian) eta Julen Goenaga (eskuinean), lasterketan lortutako garaikurrekin. J. PRESA

## Alkainek finalerdia lehiatu du

Ostadar SKTko Alex Alkain eta Iraia Alkorta atleta gazteak Salamancan jokatu den 18 urtez azpiko Espainiako txapelketan parte hartu zuten hilaren 11n eta 12an. Biak 60 metro lasterketako proban lehiatu ziren eta Alkainek finalerdietan egotea lortu zuten.

Alkainek bere onena eman zuen eta bere saioko laugarren izan zen, 7,14 eginez. Marka horrekin, bere marka pertsonala ondu eta finalerdietarako sailkatu zen. Hurrengo egunean, aldiz, ezin izan zuen txapelketa biribildu. Bigarren saioan egin zuen korrika eta 7,23ko denborarekin finaleko txartelitik urrun geratu zen. Alkorta ere fin jardun zen. Alabaina, 8,03 denborarekin ezin izan zuen kanporaketa gainditu.

## Taula Xake Kluba, bigarren

Lasarte-Oriako Taula Xake Klubak 3. mailako bigarren postuan amaitu du Liga. Hondarribia Marlaxka D 0-4 garaitu zuten herritarrek azken jardunaldian. Horri esker, maila igoera ere eskuan du Lasarte-Oriako xake taldeak. Bertako kideak "pozarren" daude. Orain torneo ezberdinetan parte hartuko dute banaka zein taldeka; azaroan, berriz, banakako Gipuzkoako txapelketari aurre egingo diote.



TAULA XAKE KLUBA



TXINTXARRI

## Infantilen lehen garaipena

Ostadar Boleibol saileko infantil taldeak Lizardi Bi izan zuen aurrez aurre hilaren 11n Maialen Chourraut kiroldegian eta 3-2 gailendu zen. Neurketa borrokatua izan zen. Herritarrak lehen seta (25-22) irabazi ostean, bigarren eta hirugarrena galdu 22-25 zituzten. Laugarrenean, aldiz, etxeko taldeak bosgarren seta jokatzera behartu zuen aurkaria 25-15 irabazita eta azkenekoan, 15-6 nagusitu zen talde urdin-beltza.



TXINTXARRI

## Bigarren laurdena, erabakigarria

Ostadar SKTko 3. Seniorrak Antigua Luberriren aurka neurtu zituen indarrak Ligako azken jardunaldian. Etxeko taldeak ederki borrokatu zuen lehen laurdena eta puntu batengatik irabazi zuen (13-12). Bigarrenean aurkaria nagusi izan zen erasoan, ordea; bederatziko puntuko alde ireki zuen (22-31). Emaitza berdintzeko ahalegina egin zuen talde urdin-beltzak, baina ez zen posible izan eta gainerako partzialak ere donostiarran aldeko izan ziren. Azkeneko emaitza 45-64 izan zen.

## Chourraut, Kayak Krosean

Maialen Chourraut herritarrak Espainiako Kopako lehen jardunaldia lehiatu du La Seu d'Urgell-en (Herralde Katalanak). Bi lehiaketari aurre egin behar izan zieten partaideek eta herritarrak hirugarren eta laugarren postuak eskuratu zituen. Kayak Krose Ligako lehen hitzordua da; bigarrena Pau-en (Frantzia) izango da maiatzean eta Espainiako Txapelketarekin amaituko da uztailen.



RFEF

## ZORION AGURRAK



**Izaro**  
Zorionak printzesa!!!  
Oso ondo pasa zure zazpigarren urtebetetzean. Muxu asko familiaren partetik, asko maite zaitugu.

## Urte askotarako!

Zorion itzazu urteak bete, ezkondu berri edo urteurrena bete duten lagunak eta senitartekoak, baita jaioberriak ere

### Internet

- [txintxarri.eus/zorionagurrak](http://txintxarri.eus/zorionagurrak).
- Erabiltzailearekin sartu/ Erabiltzaile ez baduzu izena eman.
- Bidali zorion agurra formularioa betez.
- Zorion agurra formularioan zehaztutako datan argitaratuko da webgunean eta ostiralean paperean.


### Posta elektronikoa

- Mezua bidali [txintxarri@ttakun.eus](mailto:txintxarri@ttakun.eus) helbidera, eta idatzi: izen-abizenak, urtebetetze eguna, urteurrenaren data edo ezkontzaren data eta nahi duzun testua.


Osteguneko 16:00ak arte jasoko ditugu.

## EGURALDIA LASARTE-ORIAN


Ostirala, 17




Larunbata, 18




Igandea, 19




Astelehena, 20



Astearte, 21



Asteazkena, 22



Osteguna, 23



## GUARDIAKO FARMAZIAK

**OSTIRALA, 17** ACHA-ORBEA **EGUNEKO FARMAZIAK: 09:00-22:00**  
**LARUNBATA, 18** LASA DE ORUE: Jaizkibel plaza 2/ 943-36 26 52  
**IGANDEA, 19** LASA ACHA-ORBEA: Hipodromo et. 6/ 943-36 35 49  
**ASTELEHENA, 20** URBISTONDO DE MIGUEL: Kale Nagusia 32/ 943-37 11 51  
**ASTEARTEA, 21** GANDARIAS-URIBE LASA: Kale Nagusia 42 atzea/ 943-36 17 74  
**AZTEAZKENA, 22** DE ORUE GIL: Kale Nagusia 24/ 943-36 07 08  
**OSTEGUNA, 23** GIL URBISTONDO: San Frantzisko 1/ 943-36 65 67  
 GANDARIAS-URIBE: I. de Loyola 9/ 943-01 95 21

**GAUEKO FARMAZIA: 22:00-09:00**  
 K. Aizpuru Odriozola: Latxumbe Berri 11, Hernani. 943 33 60 77

**'URTE OSOKO GUARDIAK' APLIKAZIOA** eskuragarri App Store edo Android Marketen  
 Informazio gehiago [www.cofgipuzkoa.com](http://www.cofgipuzkoa.com) webgunean eskuragarri.

## TELEFONOAK

### UDALAREN TELEFONOAK:

ERREGISTROA: 943-37 16 29  
 EUSKARAKO ZERBITZUA: 943-37 61 84  
 KIROLDEGIA: 943-37 61 82  
 MANUEL LEKUONA KULTUR ETXEA: 943-37 61 81  
 GIZARTE ZERBITZUAK: 943-37 61 79  
 KIUB: 943-36 16 05  
 UDAL EUSKALTEGIA: 943-36 16 21  
 MUNTTERI AEK: 607 62 52 33

### LARRIALDIKO TELEFONOAK:

OSASUN ZENTROA: 943-00 79 60  
 DYA: 943-46 46 22  
 GURUTZE GORRIA: 943-36 39 53  
 UDALTZAINAK: 943-36 24 42  
 ERTZAINAZA: 943-53 88 40  
 SOS DEIAK: 112



## Jaio da!

Eman jaiotzen berri  
 TXINTXARRI-n.  
 Deitu 943-37 14 48  
 telefonora,  
 bidali hauraren

izen-abizenak eta jaiotze data

[txintxarri@ttakun.eus](mailto:txintxarri@ttakun.eus) helbide elektronikora edo

688 68 35 10 WhatsApp zenbakira.

## SUDOKUA

	7			8			
	4			2		1	8
8		1		7		4	2
		7	2		5		8
6						2	7
3			7	4			6
					9		6
		8	6	3			2
7	6	2			1		4

Sudoku10.net

## OHARRA

### Giltza bat eraman dute udaltzainengana

Herritar batek giltza bat aurkitu du Hernani bidean, eta jakinarazi du Udaltzainengana eraman duela, jabeak bertan jaso dezan.



### Biyak Batek Costa Bravara bidaiara antolatuko du

Biyak Bateko zuzendaritza taldeak jakinarazi du datorren astelehen zabalduko duela Costa Bravara (Herrialde Katalanak) joateko izen emate epea, 10:30etik aurrera, elkartearen egoitzan bertan. Lehen ordainketa 200 eurokoa izango da.

### Zatoz txistua jotzera

Txistularia bazara, eskola zaharrekoa zein kontserbatorioko, hasiberria edota txistua tiraderan ahaztuta hautsa biltzen dutenetakoa. Duzun maila duzula ere, zatoz gurekin entsaiatzera.



Adin guztietako lagunak topatuko dituzu eta giro ezin hobea. Besoak zabalik hartuko zaitugu. REMen biltzen gara asteartero 19:30etik aurrera.

Eta txistua aspaldi alboratu zenuelakoan herdoilduta zaudela uste baduzu, zaude lasai. 19:00etan etor zitezke, eta gutxinaka-gutxinaka garai bateko soltura berriro hartu. Zatoz, primeran pasatuko duzue-eta!

# txintxarri

Lasarte-Oriako etxe eta komertzioetan,  
doan eta euskaraz



**Zure iragarkia jarri nahi duzu?  
Jar zaituz gurekin harremanetan!**

**Deskontu bereziak herrikoentzat!**

**ESKATU TARIFAK:**

[publizitatea@ttakun.eus](mailto:publizitatea@ttakun.eus)

646 82 44 66



## AZOKA TXIKIA

## ALOKAIRUA

Garaje itxia alokatzen da Nagusia kalean, DIA supermerkatuaren parean. Harremanetarako zenbakia: 617 91 06 56.

## LANA

## ESKARIA

Neska euskalduna eskaintzen da, astean bi arratsaldez etxeko lanak egiteko edo ta haurrak zaintzeko.

Harremanetarako telefonoa: 646 48 58 11.

Lan bila nabil egun osoz edo orduka (egunez zein gauez). Erietxeetan ere zaintza lanak egingo nituzke. Harremanetarako zenbakia: 624 63 06 99.

Lan bila nabil interna edo orduka. Haurrak, nahiz adineko pertsonak zaindu edota etxeko lanak egingo nituzke. Erietxeetan

zaintza lanak ere egingo nituzke. Harremanetarako zenbakia: 652 13 89 68.

Lan bila nabil interna edo orduka. Haurrak, nahiz adineko pertsonak zaindu edota etxeko lanak egingo nituzke. Erietxeetan zaintza lanak ere egingo nituzke. Harremanetarako zenbakia: 666 31 79 60.

Lan bila nabil interna edo orduka. Adineko pertsonak zaindu edota garbiketa lanak egingo nituzke. Paperak behar bezala ditut eta

eskarmentua. Harremanetarako zenbakia: 648 90 67 82.

Kurtsuan zehar haurrak arratsaldez zaintzeko prest. Esperientzia dut. Harremanetarako zenbakia: 695 18 41 79.

Adineko pertsonak zaintzeko prest nago. Esperientzia dut eta baita paperak ere. Harremanetarako zenbakia: 627 20 61 10.

Umeak zainduko nituzke. Harremanetarako zenbakia: 695 18 41 79.

Emakume euskalduna lan bila. Orduka lan egingo nuke. Etxeko lanetan, garbiketan... Esperientzia handikoa eta profesionala garbiketan. Harremanetarako zenbakia: 673 55 62 89.

## SALEROSKETA

## SALDU

Su egurra saltzen da (haritz), tximinirako, ekonomikarako... Etxera eramatea da. Harremanetarako

zenbakiak: 667 23 23 00 eta 616 83 09 02.

## BESTELAKOAK

## HEZKUNTZA

Unibertsitateko ikaslea errefortzu klaseak emateko zein haurrak zaintzeko prest dagoena, goizez nahiz arratsaldez. Harremanetarako zenbakia: 688 65 56 93

## NABARMENDU ZURE EDUKIA

Iragarki nabarmenduak kobratuko dira soilik

## TAMAINA BERRIA

Modulo txikia. 12€ (BEZ barne) [publizitatea@ttakun.eus](mailto:publizitatea@ttakun.eus)

## TAMAINA BERRIA

Modulo handia. 20€ (BEZ barne) [publizitatea@ttakun.eus](mailto:publizitatea@ttakun.eus) 646 82 44 66

## ESKELA

ESKELAK JARTZEKO

TEL: 943-37 14 48  
edo TXINTXARRI erredakzioan

► Eskela Txintxarri paperean: 80 €  
► Eskela Txintxarri paperean + Txintxarri.eus-en: 90 €

Txintxarri: doan eta euskaraz  
Lasarte-Oriako etxe guztietan 943-37 14 48

## Argazki lehiaketako irabazleak

Beste urte batez argazki lehiaketa antolatu dugu TXINTXARRI aldizkarian eta hemen duzue irabazleak nortzuk izan diren. Zorionak guztiei! Eskerrak eman nahi dizkizuegu: argazkiak bidali dituzuenoi, bozkatu dituzuenoi, epaimahaiko kideoi (**Isaac Farre, Idoia Telleria, Yon Mikel Rodriguez eta Mabel Pedreira**) eta baita irakurleoi ere, jakina.

## EPAIMAHAIK AUKERATUTAKO ARGAZKIA

ARGAZKIA: 'Blues Brothers' | Jose Angel Hidalgo

ARGAZKIA: '80 egun munduari bira emateko' | Naike Zumeta Insausti



SARIA: bi menu Avenida taberna/jatetxean



SARIA: Avenida taberna/jatetxeko patata-tortilla

## IRAKURLEEN BOZKATUENA

ARGAZKIA: 'Inauteriak eguzkitan' | Nieves Civicos



SARIA: bi menu Avenida taberna/jatetxean



txintxarri

www.txintxarri.eus

## Argitaratzailea

Ttakun Kultur Elkarte  
Geltoki kalea 4 (behea)  
20160 Lasarte-Oria  
G-20407557

## Administrataria

Nerea Garziarena.

## Erredakzioa

Nerea Eizagirre, Iñigo Gonzalez,  
Maddi Zaldúa eta  
Maitane Aldanondo.

## Publizitatea

Irati Zatarain.

## Laguntzaileak

Gorka Lasa, Asier Odriozola,  
Gorka Alvarez, Jexux Artetxe,  
Maitane Rebe, Julen Basterra,  
Lierni Rekondo eta Aizpea Amas.

## Banatzaileak

Egoitz Epelde, Iñigo Garcia, Julene  
Iraola, Sergio Hernandez, Ander  
Hazas, Endika Merchan eta Gorka  
Morales.

## Informatika zerbitzuak

IZT Informatika.

## PUBLIZITATEA

Geltoki kalea 4 (behea)  
Tel.: 943-37 14 48 (106)  
WhatsApp: 646 82 44 66  
[publizitatea@ttakun.eus](mailto:publizitatea@ttakun.eus)

## EGOITZA NAGUSIA

Ttakun Kultur Elkarte  
Geltoki kalea 4  
Tel.: 943-37 14 48 (104)  
WhatsApp: 688 68 35 10  
[txintxarri@ttakun.eus](mailto:txintxarri@ttakun.eus)

## Inprimategia

Zeroa Multimedia, S.A.

## Lege Gordailua: SS-513/93

ISSN: 1134-0053

Tirada: 8.300 ale

## BABESLEA



LASARTE-ORIA  
UDALA

## DIRUZ LAGUNDUTAKO ARGITALPENEA:



Gipuzkoako Foru Aldundia

# AGENDA

EMAIGUZUE ZUEN EKITALDIEN BERRI ASTEAZKEN ARRATSALDEA BAINO LEHEN

## OSTIRALA 17

### LASARTE-ORIA Zinema

Euskal Dokumentalen Zikloko hirugarren emanaldia egingo du Okendo Zinema Taldeak: *Izaro: limoiari ezitia* ikus-entzunezkoa proiektatuko du. Sarrerek 6 euro balio dute.

Kultur etxea, 22:00etan.

## LARUNBATA 18

### LASARTE-ORIA Antzerkia

*Arrainak bihotzean* familia antzerkia ikustera joateko aukera izango dute lasarteoriatarrek. Sarrerek 4 euro balio dute.

Kultur etxeko auditorioa, 17:00etan.

## IGANDEA 19

### LASARTE-ORIA Zinema

*Yuku eta Himalaiako lorea* filma proiektatuko dute, haurrentzat. Sarrerek 6 euro balio dute.

Kultur etxea, 17:00etan.

### LASARTE-ORIA Zinema

*Banshees of Inisherin* filma proiektatuko dute, helduentzat. Sarrerek 6 euro balio dute.

Kultur etxea, 19:30etan.

## ASTEARTEA 21

### LASARTE-ORIA Martxoaren 8a

Arantxa Urretabizkaiaren *Azken Etxea* liburua izango dute mintzagai; idazleak berak parte hartuko du saioan, eta Uxue Alberdi arduratuko da tarte



### LASARTE-ORIA Kontzertua

The Noise Makers taldeak kontzertua emango du bihar, hilak 18, Avenida taberna-jatetxean, 19:00etan. Rock talde ezagun ugari bertsioak joko dituztela iragarri dute.

Avenida taberna-jatetxea, 19:00etan.

dinamizatzeaz. Ekimen hori herriko Irakurle Txokoarekin elkarlanean prestatu dute udalekoek.

Kultur etxea, 18:30ean.

## OSTEGUNA 23

### LASARTE-ORIA Martxoaren 8a

Izan Iñuri egitasmoko kideek *Dragon Cáncer* podcastaren saioetako bat aurrera eramango dute. Sarrerek 3 euro balio dute.

Kultur etxea, 19:00etan.

## OSTIRALA 24

### LASARTE-ORIA Proiekzioa

Euskararen 10. Maratoialdiko une onenekin ikus-entzunezko bat ondu dute Isa Fernandez de

Agirre eta Edu Galardi herritarrek. Dokumentala proiektatuko dute, doan.

Kultur etxea, 19:00etan.

### LASARTE-ORIA Zinema

*Gauak* ikus-entzunezkoa proiektatuko dute, Euskal Dokumentalen Zikloaren barruan. Sarrerek 6 euro balio dute.

Kultur etxea, 22:00etan.

## LARUNBATA 25

### LASARTE-ORIA Zinema

*Zumiriki* ikus-entzunezkoa proiektatuko dute, Euskal Dokumentalen Zikloaren barruan. Sarrerek 6 euro balio dute.

Kultur etxea, 22:00etan.

## ZINEMA

### LASARTE-ORIA

#### MANUEL LEKUONA

'Izaro: limoiari ezitia'

Ostirala 17  
22:00.

'Yuku eta Himalaiako lorea'

Igandea 19  
17:00.

'Banshees of Inisherin'

Igandea 19  
19:30.

### USURBIL

#### URBIL

'Scream VI'

Ostirala 17  
16:25, 19:20,  
22:15.

Larunbata 18  
16:25, 19:20,  
22:15.

Igandea 19  
16:25, 20:05,  
21:30.

'Mari(dos)'

Ostirala 17  
16:35, 19:10,  
22:40.

Larunbata 18  
15:35, 19:10,  
22:40.

Igandea 19  
15:50, 19:10,  
22:40.

'Creed III'

Ostirala 17  
16:20, 19:10,  
22:00.

Larunbata 18  
16:20, 19:10,  
22:00.

Igandea 19  
16:20, 19:10,  
22:00.

'Momias'

Ostirala 17  
15:50, 17:00,  
18:00.

Larunbata 18  
15:50, 17:00,  
18:00.

Igandea 19  
15:50, 17:00,  
18:00.

'¡Shazam! La fuerza de los dioses'

Ostirala 17  
16:00, 18:45,  
19:00, 21:45,  
22:00.

Larunbata 18  
16:00, 18:05,  
19:00, 21:45,  
22:00.

Igandea 19  
16:00, 18:05,  
19:00, 21:45,  
22:00.

'Ant-man y la avispa: Quantumania'

Ostirala 17  
20:00.

Larunbata 18  
20:00.

Igandea 19  
21:00.

'Avatar: El sentido del agua'

Ostirala 17  
19:15.

Larunbata 18  
19:15.

Igandea 19  
19:15.

Igandea 19

19:15.

'Guardianes de la noche: rumbo a la aldea de los He'

Ostirala 17  
16:00.

Larunbata 18  
16:30.

Igandea 19  
16:00.

'Irati'

Ostirala 17  
16:00, 18:45,  
21:30.

Larunbata 18  
15:55, 18:40,  
21:25.

Igandea 19  
15:55, 18:40,  
21:25.

'Todo a la vez en todas partes'

Ostirala 17  
21:45.

Larunbata 18  
21:45.

Igandea 19  
21:45.

## LABURPENA

### 'The Banshees of Inisherin'

Zuzendaria: Martin McDonagh.

Gidoia: Martin McDonagh.

Argazkia: Ben Davis.

Ekoizleak: Blueprint Pictures, Film 4, Fox Searchlight, Metropolitan Films International. Fox Searchlight, Walt Disney Pictures.

Herraldea: Erresuna Batua (2022).

Iraupena: 114 minutu.

Generoa: Drama, komedia beltza.

Aktoreak: Colin Farrell, Brendan Gleeson, Kerry Condon, Barry Keoghan, Pat Shortt, David Pearce, Gary Lydon, Jon Kenny.



bertako  
igogailuak | ascensores

BENETAKO OROTARIKO ZERBITZUA

100€-tik/hileko

IGOGAILUEN  
MANTENTZE-LANEN  
ESKAITZA  
ZORROTZENA

+2.000 bezerok gugan  
dute konfiantza

943 903 450  
bertako.eus



# UDALEKUAK TTAKUN 2023

Atxondo  
LM3-LM4  
uztailak 14-21

223€ ttakuneko bazkideak  
240€ bazkideak ez direnak

Milabete osoko eskaintza  
(udalekuak + Udako Txokoak)

9:00etatik aurrera: 319€ Ttakuneko bazkideak | 343€ bazkideak ez direnak

10:00etatik aurrera: 296€ Ttakuneko bazkideak | 319€ bazkideak ez direnak

+ jangela zerbitzua: 85 €

Donemiliaga  
LM5-LM6  
uztailak 4-13

279€ ttakuneko bazkideak  
300€ bazkideak ez direnak

Milabete osoko eskaintza  
(udalekuak + Udako Txokoak)

9:00etatik aurrera: 359€ Ttakuneko bazkideak  
386€ bazkideak ez direnak

10:00etatik aurrera: 340€ Ttakuneko bazkideak  
366€ bazkideak ez direnak  
+ jangela zerbitzua: 72 €

## KANPALDIAK

•DBM 1-2  
uztailak 17-27

Albenizeko aterpetxea + ibiltaria

•DBM 3-4  
uztailak 4-14

Bizkaiko kosta ibiltaria + Loiolako aterpetxea

307€ Ttakuneko bazkideak

330€ bazkideak ez direnak



943-37 14 48

665 49 75 02

Geltoki kalea, 4

ktglasarteoria@ttakun.eus

09:00-13:00 (astelehen goizetan izan ezik)

16:00-18:00 (ostiral arratsaldeetan izan ezik).

Izen ematea (plaza mugatuak):

Martxoaren 20tik  
maiatzaren 8ra



[www.labur.eus/udalekuak23](http://www.labur.eus/udalekuak23)

Lehentasuna izango dute Gazte Kluba eta Kuadrilategiko erabiltzaileak (%40ko asistentziarekin), izaz udaleku itxietan aritutakoek eta bazkideen seme-alabek. Martxoaren 22ra arte (egun hori barne) izango dute horiek izena emateko aukera.



Gipuzkoako Foru Aldundia